

Matumuuna Inatsisartut Suleriaasianni § 33 najoqqutaralugu Naalakkersuisut aalajangiiffigisassatut siunnersuut manna saqqummiuppaat:

Aningaasalersuineramik ingerlataqarneq pillugu inatsisip allanngortinnissaa pillugu inatsisip aamma aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip Kalaallit Nunaannut atuutsinnissaa pillugu peqqusutunik Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

(Inuussutissarsiornermut Nukissiuuteqarnermullu Naalakkersuisoq)

Tunngavilersuut

Peqqussutit allaqqaarnerinik pigineqartunit siunertaq tassaavoq kunngip peqqussutaatigut Kalaallit Nunaannut atuutsinneqartumik aningaasalersuineramik ingerlataqarneq pillugu inatsisip nutarsarnissaa aammattaaq aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsit nr. 333, 31. marts 2015-imeersup Kalaallit Nunaannut atuutsinneqarnissaa. Akiligassarsisitsisarfinnut aningaasaliisarfinnullu aningaasaatinut pi-umasaqaatit aamma nakkutilliinikkut pi-umasaqaatit pillugit Kalaallit Nunaannut inatsisip atuutsinnissaa pillugu, aamma aningaasalersuineramik ingerlataqarneq pillugu inatsisip allanngortinnissaa pillugu inatsimmi § 1-ip ilaanik kunngip peqqussutaatigut Kalaallit Nunaannut atuutsinissaaq, aamma inatsisip allat assigiinngitsut pillugit aalajangiiffigisassatut siunnersuutit Inatsisartut 2015-imi upernaakkut ataatsimiinnerminni akuersissutigaa. Aalajangiiffigisassatut siunnersuutit taakku marluk akuersissutiginerat nunatsinni aningaasaqarnermi inatsisaasut EU-mi akiligassarsisitsisarfinnut aamma aningaasaatinut pi-umasaqaatit (CRD IV), tassungalugu tunngasutut peqqussutit (CRR-ip) nassatarisaannik malittarisassanut naapertuutsilernissaannut pisariaqarsimavoq.

Kalaallit Nunaanni CRR-imik peqqussummi aamma CRD IV-mi malitassami malittarisassiat naammassineqarnerisa kingornatigut Danmarkimi inatsisaasuni allannguutitut aningaasalersuineramik suliaqarneq pillugu nunatsinni inatsisaasut malinnaatilernissaat pillugu aalajangiiffigisassatut siunnersuummik matuminnga saqqummiussineq siusinnerusumi akuersissuteqarnerup malitseqartinneratut kingunerisassaattullu isigineqassaaq.

Aningaasalersuineramik ingerlataqarneq pillugu inatsisip aamma aningaasaliisartunut aamma aningaasalersuisartunut qularnaveeqqusiisarnermik aningaasaatit pillugit inatsisip Kalaallit Nunaannut atuutsinneqarnissaannut allannguutissatut peqqussutit imminnut ataqatigiilluinnarnerat pissutigalugu aalajangiinissamut siunnersuut manna inatsisip marluk tamarmik Kalaallit Nunaannut atuutsinneqalernissaat pillugit akuersissuteqarnissamut oqaaseqaatinik imaqarpoq.

Aningaasalersuineramik ingerlataqarneq pillugu inatsisip aamma aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsit allanngortinnissaannut inatsisip Kalaallit Nunaannut atuutsinneqalernerannut atatillugu pisinnaatitaanerit aamma piginnaaneqarnerit arlaqartut malinnaapput Aningaasaqarnermik Nakkutilliisut aamma Aningaasaqarnikkut Patajaassutsip aningaaserivimmik iluarseeqqinnermi imaluunniit atorunnaarsitsinermi atorsinnaasaannik.

Pisinnaatitaanerit taakku aningaasalersuineramik ingerlataqarneq pillugu inatsisip allanngortinnissaa pillugu inatsisip aamma aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip Kalaallit Nunaannut atuutsinneqalernissaannut peqqussutissatut allaqqaagaq aqcutigalugu naammassineqassapput.

Imarisai

Eqikkarnernerini ilanngussani Kalaallit Nunaannut atuutsitaasussatut kissaatigineqartut aningaasalersuineramik ingerlataqarnerit pillugit inatsimmut aamma aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsimmut allannguutissanut peqqussutit ataasiakkaat nassuiarneqarput. Peqqussutit makku pineqarput:

- Aningaasalersuineramik ingerlataqarneq pillugu inatsisip allanguutissaata inatsimmi § 1-ip ilaani, pappiaranik nalilinnik nioqquteqarneq il.il. pillugit inatsimmi, pillaaarneq pillugu inatsimmi, immikkut pissuseqartumik aningaasaliisarnikkut aningaasaateqarfinnik ingerlatsisut il.il. pillugit inatsisip, eqqartuussisarnermi inatsisip inatsisillu assigiingitsut allat, Kalaallit Nunaanni atuutilernissaanut peqqussut.
- Aningaasalersuineramik ingerlataqarneq pillugu inatsimmi § 1-ip ilaata Kalaallit Nunaanni atuutilernissaanik peqqussut, pappialanik nalilinnik niuernerme il.il. inatsisip, akiliinerme kiffartuussisarnerit aningaasallu elektronikkikkoortitat inatsisillu assigiingitsut allat.
- Aningaasalersuineramik ingerlataqarneq pillugu inatsisip allanguutissaata inatsimmi § 1-ip ilaani, aningaasaqarnikkut patajaassuseq pillugu inatsisip, aningaasaliisartunut aningaasalersuisartunullu qularnaveeqqusiisarnermik aningaasaateqarfik pillugu inatsisip, pappiaranik nalilinnik nioqquteqarneq il.il. pillugit inatsisip aamma akilerarusiiffik pillugu inatsisip Kalaallit Nunaanni atuutilernissaannut peqqussut (Taarsigasarsiniartarfiit aamma aningaasaliisartutut ingerlatseqatigiiffiit pilerseeqqinnissaat aamma atorunnaarsinnissaat pillugit malitassap (BRRD), aamma aningaasaliussat qularnaveeqquserneqartarnissaannik aqqissuussinerit pillugit malitassap (DGSD) piviusunngortinneri)

- Aningaasalersuineramik ingerlataqarneq pillugu inatsisip allanguutaanut inatsisip § 14-iata, pappiaranik nalilinnik nioqquteqarneq il.il. pillugit inatsisip, pillaasarneq pillugu inatsisip, immikkut pissuseqartumik aningaasaliisarnikkut aningaasaateqarfinnik ingerlatsisut il.il. pillugit inatsisip, eqqartuussisarnermi inatsisip inatsisillu assigiinnigitsut allat Kalaallit Nunaanni atuutilernissaanut peqqussut.
- Aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip nr. 333, 31. marts 2015-imeersup Kalaallit Nunaanni atuutilernissaanut peqqussut.

Kalaallit Nunaannut atuutsilernerini tulleriiaakkatut inatsisit allangortinnerinit malitsigisaasuni allanguutit annertunerit pillugit eqikkaanerit ilanngussat innersuussutaapput.

Namminersorlutik Oqartussanut aningaasaqarnikkut kingunerisinnaasai

Inatsisit allangortinneqartut piviusunngortinneri nunatsinni aningaaseriviit sanngillisarnerisa pinaveersinnissaannut ilapittuutaassasutut naatsorsuutigineqarput, taamaalillunilu inuiaqatigiinni aningaasaqarnermut nunatsinnilu akileraarutininik akiliisartunut aningaasartuutaasinnaasut annikillisissinnaassallugit.

Inuusuttissarsiornikkuk il.il. aningaasaqarnikkut allaffissornikkullu kingunerisinnaasai

Inatsisit allangortinneri piviusunngortinneqanngippata erniat inissisimaffiannut aamma avataaniit aningaasaliissuteqarusussuseqarnermut kinguneqarsinnaassapput. Malittarisassat annertuut paasiuminaatsullu pineqarmata aningaaseriviit suleriaatsitik piumasaqaatinut naapertuuttunngortinniarlugit naleqqussarnissaannut piffissamik nukinnillu pisariaqartitsissasut. Tamanna tunngavigalugu Naalakkersuisut innersuussutigaat Kalaallit Nunaannut atuutsineqalernissaat aatsaat 1. januar 2020-mi pissasoq.

Tusarniaaneq

Siunnersuut 20. juulimiit -8. auggusti 2018-imut tusarniaassutaasimavoq. Tusarniaaneq nasuiaatinut paasissutissiisunut ataasiakkaanut tunngavissiisimavoq, suliamilu peqataasunit imaluunniit allanit siunnersuummut oqaaseqaateqarnissamut tunngavissiisimanani. GrønlandsBANKENip uparuarpa malittarisassat nutaat suleriaatsit naleqqussarnissaannut piumasaqaateqartut.

Inassuteqaat

Naalakkersuisut inassutigissavaat Inatsisartut akuerissagaat Naalakkersuisut nalunaarutigissaagaat Naalakkersuisut aningaasalersuineramik ingerlataqarneq pillugu inatsisip allangortinnera pillugu inatsisip aamma aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip nr. 333, 31. marts 2015-imeersup Kalaallit Nunaanni atuutilernissaanut peqqussutissatut allaqqaakkat ilanngunneqartut akuersissutigisinnagaat.

Naalackersuisut inassutigissavaat aningaasalersuineramik ingerlataqarneq pillugu inatsisip allanngortinnera pillugu inatsisip aamma aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip nr. 333, 31. marts 2015-imeersup ulloq 1. januar 2020 Kalaallit Nunaanni atuutilissasut.

Ilangussaq 1

Aningaasalersuineramik ingerlataqarneq pillugu inatsisip allangortinnissaa pillugu inatsisip Kalaallit Nunaannut atuutisilernissaa pillugu peqqussummik eqikkaaneq.

Ilangussaq 2

Aningaasalersuineramik ingerlataqarneq pillugu inatsisip allanguutissaata inatsimmi § 1-ip ilaani, pappiaranik nalilinnik nioqquteqarneq il.il. pillugit inatsimmi, pillaasarneq pillugu inatsimmi, immikkut pissuseqartumik aningaasaliisarnikkut aningaasaateqarfinnik ingerlatsisut il.il. pillugit inatsisip, eqqartuussisarnermi inatsisip inatsisillu assigiinngitsut allat, Kalaallit Nunaanni atuutisilernissaanut peqqussummut allaqqaagaq.

Ilangussaq 3

Aningaasalersuineramik ingerlataqarneq pillugu inatsimmi § 1-ip ilaata Kalaallit Nunaanni atuutisilernissaanik peqqussummut allaqqaagaq, pappiaranik nalilinnik niuernermi il.il. inatsisip, akiliinermi kiffartuussisarnerit aningaasallu elektronikkikkoortitat inatsisillu assigiinngitsut allat.

Ilangussaq 4

Aningaasalersuineramik ingerlataqarneq pillugu inatsisip allanguutissaata inatsimmi § 1-ip, aningaasaqarnikkut patajaassuseq pillugu inatsisip, aningaasaliisartunut aningaasalersuisartunullu qularnaveeqqusiisarnermik aningaasaateqarfik pillugu inatsisip, pappiaranik nalilinnik nioqquteqarneq il.il. pillugit inatsisip aamma akileraarusiiffik pillugu inatsisip Kalaallit Nunaanni atuutisilernissaannut peqqussummut allaqqaagaq (Taarsigasarsiniartarfiit aamma aningaasaliisartutut ingerlatseqatigiiffiit pilerseqqinnissaat aamma atorunnaarsinnissaat pillugit malitassap (BRRD), aamma aningaasaliussat qularnaveeqquserneqartarnissaannik aaqquissuussinerit pillugit malitassap (DGSD) piviusunngortinneri)

Ilangussaq 5

Pappiaqqat nalillit niuerutigineqartarnerat il.il. pillugit inatsisip, aningaasalersuineramik ingerlataqarneq pillugu inatsisip, aningaasanik atugassaqarnermut isumaqatigiissutit pillugit inatsisip, aningaasaqarnermut siunnersortit pillugit inatsisip, qularnaveeqqusiussaqaarluni taarsigassarsinermik ingerlatsisut pillugit inatsisip, realkreditlånit aamma realkreditobligationit il.il. pillugit Inatsisip inatsisillu allat, allanguutaat pillugit inatsimmi § 2-p ilaata Kalaallit Nunaanni atuutisilernissaanik peqqussummut allaqqaagaq.

Ilangussaq 6

Aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip nr. 333, 31. marts 2015-imeersup Kalaallit Nunaanni atuutisilernissaanik peqqussummut pillugu eqikkagaq.

Ilangussaq 7

Aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip nr. 333, 31. marts 2015-imeersup Kalaallit Nunaanni atuutilernissaanut peqqussummut allaqqaagaq.